



KOMUNIKADO PA PRENSA

Fecha
7 di yüni 2016

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

A KUMINSA KONTA KANTIDAT DI VEHÍKULONAN KU TA HASI USO DI SALIÑA.

Willemstad - Minister Camelia-Romer huntú ku Servisio pa Obra Públiko (OW) a kuminsá ayera ku trabounan di konta e kantidat di vehíkulo ku ta kore riba kaya den área di Saliña. E búro Indigoblue Consult a risibí enkargo di Ministerio di Tráfiko, Transporte i Planifikashon Urbano pa inventarisá e situashon di tráfiko den área di Saliña.

Ta kolekta dato na dos manera, esta: 1) Ta hasi konteo di e kantidat di vehíkulo ku ta kore riba kaya, na un manera visual, i 2) Ta bai tene entrevista ku usadónan di vehíkulo motorisá pa medio di un enkuesta digital. Pa e konteo di vehíkulo lo hasi uso di diferente persona (kontadó) pará kantu di kaya. Di un manera visual ta konta e kantidat di vehíkulo ku ta pasa riba kaya. Nan ta bisti na un vèst kolo hel òf oraño i lo tin un pèchi riba nan kabes.

E kontadónan ta usa e aparato **‘Hand Tally Counter’**, pa hasi e konteo. E bentaha di un konteo visual ta ku e ‘kontadónan’ ta haña un bista tambe di e komportashon di e usadónan di vehíkulo den tráfiko. E konteo ta tuma lugá den e oranan spesífiko ku tin mas trafikashon den e área di Saliña.

E konteo di vehíkulo tin un durashon di dos siman, kuminsando awe i ta sigui te ku djabièrnè 17 di yüni 2016. No tin konteo riba djasabra ni djadumingu. Tambe den luna di ougùstùs lo tene un konteo èkstra. Esaki lo dura un siman. Esakinan lo tuma lugá di djaluna 15 te ku 19 ougùstùs 2016.

Pa medio di anunsio aki ta pidi tur outomobilista pa kore ku koutela pa asina e kontadónan di vehíkulo por hasi nan trabou na un manera seif.